

# Peqqinnissaqaqrifiup sullissineri il.il. pillugit Inatsisartut peqqussutaannik Namminersorlutik Oqartussat nalunaarutaat

Matumuuna Peqqinnissaqaqrifiup sullissineri il.il. pillugit Inatsisartut peqqussutaat nr. 15, 6. november 1997-imeersoq, Inatsisartut peqqussutaat nr. 12, 14. november 2004-imeersup aamma Inatsisartut peqqussutaat nr. 16, 20. november 2006-imeersup malitsigisaanik allannguiteqartoq nalunaarutigineqarpoq

## Kapitali 1

*Siunertaq*

**§ 1.** Peqqinnissaqaqrifiup suliassaasa pingaarnersaraat innuttaasut peqqissusiisa siuarsarnissaat, nappaatit nappaatinullu assingusut pinaveersaartinnissaat kiisalu inuit nappaatillit nappaatinullu assingusunik nappaatillit misissornissaat, katsorsarnissaat paarinissaallu.

*Imm. 2.* Suliassaminik pilersaarusrionermini peqqinnissaqaqrifiup anguniassavaa peqqinnissaqaqrifiup sullissinerinut assigiimmik periarfissaqartitsisoqarnissa sumi najugaqarneq apeqqutaatinnagu.

## Kapitali 2

*Inuit pineqartut*

**§ 2.** Inuit, nunami maani inuit nalunaarsorsimaffianni nalunaarsorsimasut nunamilu maani najugaqartut, Inatsisartut peqqussutaat manna malillugu sullinneqarnissamut pisinnaatitaapput, akeqanngitsumik akiliillutilluuniit, malittarisassat ataani allassimasut malillugit, taamaattorli §§ 3-5 takukkit.

*Imm. 2.* Inuit nunami maaniikkallartut Inatsisartut peqqussutaat manna malillugu sullinneqar-nissamut pisinnaatitaapput, akeqanngitsumik akiliillutilluuniit, malittarisassat Naalakkersuisunit aalajangersarneqarsimasut malillugit.

*Imm. 3.* Naalakkersuisusut pisut naapertorlugit aalajangersinnaavaat Kalaallit Nunaanni najugaqarlarneq qaammatinik arfmilinnik sivisunerusoq Kalaallit Nunaanni najugaqartutut inuit nalunaarsorsimaffianni nalunaarsorneqarsimanertut isigineqassasoq, pineqartoq nunami allami najugaqartutut inuit nalunaarsorsimaffianni nalunaarsorsimagaluarpualluunniit.

**§ 3.** Inuit isumaqtigiiissutit atorfekartitaanerluunniit pissutigalugit akeqanngitsumik katsortinnissamut il. il. pisinnaatitaasut inatsisartut peqqussutaat manna malillugu sullinneqarnissamut

pisinnaatitaapput taamaallaat pisuni isumaqatigiissutinut atorfekartitaanermulluunniit ilaatitaanngitsuni, taamaattorli kap. 7 takuuk.

**§ 4.** Sulisitsisoq inatsisit allat tunngavigalugit suliffeqarfimmi sulisorineqartut katsorsartinnissaannut paarineqarnissaannullu isumaginnittussaatitaappat sulisorisat taamaattut inatsisartut peqqussutaat manna malillugu sullinneqarsinnaatitaapput taamaallaat sullissineq sulisitsisup pisussaaffisa avataanniippat, taamaattorli kap. 7 takuuk.

**§ 5.** Umiarsuaatilik pisortalluunniit oqartussaasut danskit nunalluunniit allat umiartortut pillugit inatsisaat assigisaalluunniit tunngavigalugit umiartortut napparsimancerannut atatillugu aningaasartuutinik akiliisussaatitaappata sulisorisat taamaattut inatsisartut peqqussutaat manna malillugu sullinneqarsinnaatitaapput taamaallaat sullissineq umiarsuaatillip pisortalluunniit oqartussaasut pisussaaffisa avataanniippat, taamaattorli kap. 7 takuuk.

**§ 6.** Inuit immikkoortut §§ 3-5-imí taaneqartut sullinneqarneri pillugit Naalakkersuisut malit-tarisassanik erseqqinnerusunik aalajangersaassapput.

*Imm. 2.* Naalagaaffinnut allanut isumaqatigiissutit eqqortinnejarnissaannut pisariaqarpat Inatsisartut peqqussutaanni matumani aalajangersakkat sanioqqunneqarnissaannut Naalakkersuisut malittarisassanik aalajangersaasinnaapput.

*Imm. 3.* Inuit nunatta avataanut uninnganissamut, misissortinnissamut, sularitinnissamut il. il. innersunneqarsimasut tamatumunnga atatillugu inuit nalunaarsorsimaffianni najukkaminnik allangortitsisiaqaraangata, inatsisartut peqqussutaat manna malillugu sullissinneqarsinnaatitaanerat pillugu Naalakkersuisut malittarisassiorsinnaapput.

### Kapitali 3

*Naartuneq erninerlu*

**§ 7.** Naartimermut atatillugu najukkami peqqinnissaqarfmp akeqanngitsumik pinaveersaartit-siniarluni peqqissutsimik arnanik misissuisarnissaq kiisalu napparsimmavimmi akeqanngitsumik ernisussiorneq neqeroorutigisassavaa.

**§ 8.** Arnanut nunami maaniikkallartunut ernisussiorneq pillugu Naalakkersuisut malittarisassanik aalajangersaassapput.

**§ 9.** Najukkami peqqinnissaqarfip naartunaveersaarutit atorneqarnissaat pillugu akeqan-ngitsumik ilitsersuinissaq neqeroorutigisassavaa.

*Imm. 2.* Inunnut 18-it inorlugit ukiulinnut katissimanngitsunullu imaluunniit inuttut namminersorsinnaajunnaarsitaasimasunut ilitsersuinermi angajoqqaatut oqartussaassuseqartumit sinniisutitaasumilluunniit akuerineqarsimanissaq piumasaqaataanngilaq.

### Kapitali 4

*Peqqissutsimik misissuineq, meeraaqqat peqqinnissakkut isumagineqarnerat aamma kapitittarneq*

**§ 10.** Meeqcat inuuusuttullu 18-it inorlugit ukiullit tamarmik akiliutitaqanngitsumik pinaveersaartitsiniutaasumik peqqissutsimik misissorneqarnissaannik neqeroorfingeqartassapput.

*Imm.* 2. Meeqcat suli atualinngitsut atuartussaatitaasutullu ukiullit tamarmik akiliutitaqanngitsumik peqqinnissakkut isumagineqarnermik neqeroorfingeqassapput.

*Imm.* 3. Peqqissutsimik misissuinerit aamma peqqinnissakkut isumaginninnerup annertussusisaat piumasaqaatillu pillugit malittarisassat Naalakkersuisut aalajangersassavaat.

**§ 11.** Meeqcat suli atualinngitsut akeqanngitsumik peqqinnissakkut isumagineqarnermik neqeroorfingeqassapput makkuninnga ilaqtinnejartussanik:

1) Peqqinnissaq pillugu nalinginnaasunik angajoqqaat meeqqap timikkut eqqarsartaatsikkullu ineriarornera pillugu ilitsorsorneqarnerat, matumani nappaatit pinaveersaartinnissaannut paassisutissat aamma peqqissuunerup siuarsarnissaanut suliniutit.

2) Meeqqap peqqissusianut tunngasut maluginiarneqartarnissaat aamma angajoqqaanik ataasiakkaarinilluni ilitsersuineq, matumani nakorsanut, isumaginninnermi sulisunut imaluunniit perorsaanelmi sulisunut, taakku isumagisariaqagaat pillugit, atassuteqartarnissaq ilanngullugu.

3) Angajoqqaanut, meeqqamik peqqinnissakkut isumaginninnermik immikkut pisariaqartitsisunut nakorsat, perorsaasut aamalu inuit isumaginninnermi suliaqartut suleqatigalugit immikkut ittumik ilitsersuineq ikuinerlu.

**§ 12.** Meeqcat atuartut tamarmik akeqanngitsumik peqqinnissakkut isumaginninnermik neqeroorfingeqartassapput makkuninnga ilaqtinnejartunik:

1) Meeqqanut, angajoqqaanut aammalu atuarfimmi sulisunut nappaatit pinaveersaatinisaannut aamma peqqissuunerup siuarsarnissaanut nalinginnaasumik suliniuteqarneq, matumani napparnaveersaartitsineq eqiluisarnerlu pillugit paasisitsiniaaneq.

2) Meeqqap peqqissusianut tunngasut maluginiarneqartarnissaat aamma angajoqqaat ataasiakkaarlugit ilitsorsorneqarnerat, matumani nakorsanut, isumaginninnermi sulisunut imaluunniit perorsaanelmi sulisunut, taakku isumagisariaqagaat pillugit, atassuteqartarnissaq ilanngullugu.

3) Angajoqqaanut, meeqqamik peqqinnissakkut isumaginninnermik immikkut pisariaqartitsisunut nakorsat, perorsaasut aamalu inuit isumaginninnermi suliaqartut suleqatigalugit immikkut ittumik ilitsersuineq ikuinerlu.

**§ 13.** Meeqcat inuuusuttullu 18-it inorlugit ukiullit tamarmik Naalakkersuisut malittarisassiaat erseqqinnerusut malillugit nappaatinut akiuussutissaliiniarluni kapitinnissamik neqeroorfingeqartassapput.

## Kapitali 5

*Katsorsaaneq il.il.*

**§ 14.** Inuit inatsisartut peqqussutaat manna malillugu sullissinernut pisinnaatitaasut pissutsit ajornartinngikkaangassuk, makkununnga pisinnaatitaapput:

- 1) Pinaveersaartitsiniutaasumik peqqissuseq pillugu misissortinnermut.
- 2) Nakorsamit katsorsarneqarnermut, matumani pisariaqarpat nakorsamit immikkut ilinniarsimasumit katsorsarneqarnermut.
- 3) Napparsimmavimmi uninngatinneqarnermut.
- 4) Nappaatinik pinaveersaartitsiniarluni sullinnejarnissamut.
- 5) Meeraaqqaat peqqinnissakkut isumagineqarnerat aammalu napparsimmavimmi imaluunniit angerlarsimaffimmi napparsimasunik peqqissaaneq.
- 6) Nakorsaatissanut allagartalerneqarnikkut aatsaat pineqarsinnaasunut, matumani aamma nakorsaatinut allagartalerneqanngikkaluarluni pineqarsinnaasunut, malittarisassa Naalakkersuisunit erseqqinnerusumik aalajangersaavigineqarsimasut malillugit.
- 7) Nappaatinut akiuussutissaliiniarluni kapitinnernut Naalakkersuisunit erseqqinnerusumik malittarisassiarineqarsimasut malillugit.
- 8) Atortorissaarutinut, timimi avatinik atorluarsinnaangitsunik amigaataasunilluunniit taarsiisunut, qerattaqqusiissutinut imaluunniit iluarsiissutinut.
- 9) Timip sungiusarneqarneranut, nakorsartinnermut imaluunniit napparsimmavimmi katsorsartinnermut ilagitillugu.
- 10) Allagartalertinnernut, malittarisassat Naalakkersuisunit erseqqinnerusumik aalajangersarneqarsimasut malillugit.

## Kapitali 6

*Kigutileritinneq*

**§ 15.** Meeqanut, atualersimanngitsunut atuartussaatitaanennillu nalaani ukioqartunut, kiguti-leritinneq akeqanngitsumik neqeroorutigineqassaaq. Peqqinnissaqarfik kigutileritinnissamut neqerooruteqartassaaq ataani taaneqartunut naleqqussakkanik

- 1) Meeqqat atualersimanngitsut
- 2) Meeqqat atuartut
- 3) Inuuusuttut
- 4) Allat

*Imm. 2. Imm. 1 naapertorlugu peqqinnissaqarfip kigutileritinnissamik neqeroorutaanut maleduagassat erseqqinnerusut Naalakkersuisut aalajangersassavaat.*

**§ 16.** Inunnik nunatsinnut nuussimasunik kigutinik paarsinerlunnerup kinguneranik kigutiluttunik imaluunniit suliarineqanngitsunik kigutilinnik pisariaqavissumik kigutilerinerup saniatigut suliaqarnissaq kigutit nakorsaata itigartitsissutigisinnavaa.

**§ 17.** Peqqinnissaqarfip kigutileritinnissamik neqeroorutai najukkami peqqinnissaqarfimmi, inuup najugaqarfimmisut nalunaarsorneqarfigisimasaani taamaallaat atuupput. Taamaattoq inuk kinaluunniit najugaqarfifigallakkamini pisarialimmik kigutileritikkallarnissaminut pisinnaatitaavoq.

**§ 18.** Kalaallit Nunaata avataaniitilluni kigutileritinneq peqqinnissaqarfip susassarinngilaa. Immikkut ittumik pisoqartillugu Kalaallit Nunaata avataani kigutileritinnissamut pisinnaatitaaffit pillugit

maleruagassanik Naalakkersuisut aalajangersaasinnaapput.

## Kapitali 7

### *Napparsimasunik angallassineq*

**§ 19.** Inuit, nunami maani inuit nalunaarsorsimaffiannut nalunaarsimasut maanilu najugallit kiisalu inuit aattuunnartumik kinguaassiutitigulluunniit nappaateqarnertik pissutigalugu katsorsartittut nakorsap peqqusineratigut nunaqarfimmit imaluunniit najukkamit allamit ukioq naallugu najugarineqartumit illoqarfimmi najukkami peqqinnissaqarfiup napparsimmavianut aamma najukkami peqqinnissaqarfiup napparsimmavianit Dronning Ingridip Napparsimmavissuanut kiisalu nunap avataani napparsimmavimmut katsorsaavimmulluunniit allamut akeqanngitsumik angallanneqarnissamut pisinnaatitaapput.

*Imm. 2. Imm. 1 naapertorlugu angalanermi najukkani peqqinnissaqarfimmit innersuunneqartuni nalinginnaasumik nerisaqarnermut unnuinermullu aningaasartuutit pisariaqartut peqqinnissaqarfmp akilertarpai.*

**§ 20.** Inuit nunami maaniikkallartut nunaqarfimmit imaluunniit najukkamit allamit ukioq naallugu najugarineqartumit illoqarfimmi najukkami peqqinnissaqarfiup napparsimmavianut aamma najukkami peqqinnissaqarfiup napparsimmavianit Dronning Ingridip Napparsimmavissuanut kiisalu nunap avataani napparsimmavimmut katsorsaavimmulluunniit allamut angallanneqarsinnaanerat pillugu maleruagassanik erseqqinnerusunik Naalakkersuisut aalajangersaassapput.

**§ 21.** Peqqinnissaqarfiup kigutileritinnermut atatillugu angallassinermut imaluunniit unin-nganermut aningaasartuutit akilertassanngilai.

*Imm. 2. Katsorsartariaqarasuakkamik, nappaatinut aarlerinartunut sanilliunneqarsinnaasumik, kigutilerisoqartariaqartillugu § 19-imi § 20-milu oqaatigineqartutut annertutigisumik angallassisitsisoqartassaaq.*

## Kapitali 8

*Najukkami peqqinnissaqarfiup avataani misissorneqarnissamut suliaritinnissamullu innersuunneqarneq*

**§ 22.** Naalakkersuisut Tulleriissaarinermut ataatsimiititaliamik pilersitsissapput inuit najukkami peqqinnissaqarfiup avataani misissorneqarnissaannut suliaritinnissaannullu innersuussisartussamik. Suliassani inunnut ataasiakkaanut tunngasuni Tulleriissaarinermut ataatsimiititaliap aalajangiineri allaffissornikkut oqartussaasunut allanut ingerlateqqinneqarsinnaanngillat.

*Imm. 2. Tulleriissaarinermut ataatsimiititaliap Dronning Ingridip Napparsimmavissuanit nakorsaanerit innersuussisartut suliassani tamanut tunngasuunngitsuni aalajangiisinnaanissaannut piginnaatissinnaavaat.*

*Imm. 3. Tulleriissaarinermut ataatsimiititaliap inuttalersugaanera, ilaasortassanik toqqaasarneq, aalajangiinissamut piginnaatitaaffi suliassaalu pillugit malittarisassat Naalakkersuisut aalajangersassavaat.*

*Imm. 4. Inuit imm. 1 malillugu innersuunneqarsimasut sullissinernut sunut pisinnaatitaanersut pillugu malittarisassat Naalakkersuisut aalajangersassavaat.*

**§ 23.** Kalaallit Nunaata avataanut misissortikkiartitsisarneq suliarititsartortarnerlu taamaallaat pisinnaapput napparsimmavissuarnut Naalakkersuisut Kalaallit Nunaanniat napparsimasunik tigusisarnissamik isumaqtigiissuteqarfigisimasaannut.

*Imm. 2.* Kalaallit Nunaata avataani napparsimmavissuit atorneqarnissaat pillugu malittarisassanik erseqqinnerusunik Naalakkersuisut aalajangersaassapput.

### Kapitali 9

*Peqqinnissaqaqrifiup sullissinerinut akiliuteqartarneq*

**§ 24.** Malittarisassat matuma siuliani aalajangersarneqartut tunngavigalugit akeqanngitsumik sullissisoqarsinnaatinngu, Naalakkersuisut akiliuteqartitsisarneq pillugu malittarisassanik aalajangersaasinnaapput.

**§ 25.** Pisuni Inatsisartut peqqussutaatigut matumuuna aalajangersaavagineqarsimanngitsuni atortussanik, iluaqusersuutinik, peqqissaanermi atortussanik kiisalu sullisinernik allanik akiliisitsilluni tunisinissamik Naalakkersuisut isumaqtigiissuteqarsinnaapput.

*Imm. 2.* Napparsimasimasunut naammassineqartumik katsorsartissimasunut paaqqutarinniffissatut inissat pillugit ataasiakkaartunik ataatsimoorussanillu isumaqtigiissuteqarnermi atugassarititaasut kiisalu atortussanik, peqqissaanermi atortussanik, iluaqusersuutinik sullisinernillu allanik tunisinermi atugassarititaasut pillugit isumaqtigiissuteqarnissamut malittarisassanik Naalakkersuisut aalajangersaasinnaapput.

### Kapitali 10

*Ilisimatusarneq*

**§ 26.** Naalakkersuisut peqqinnissakkut ilisimatusarnernut inuiaqtigiinnut kalaallinut pi-ngaaruteqartunuttapiissuteqarsinnaapput.

*Imm. 2.* Peqqinnissakkut ilisimatusarnernut tapiissuteqartarneq pillugu malittarisassanik Naalakkersuisut aalaj angersaassapput.

### Kapitali 11

*Naammagittaalliorinnaaneq*

**§ 27.** Inatsisartut peqqussaat manna naapertorlugu kinaluunniit suliap qanoq naammassi-neqarnissaanut immikkut annertuumik soqutigisaqartoq naammagittaalliorinnaatitaavoq.

**§ 28.** Peqqinnissaqaqrifmi sulisusut suliaannut tunngatillugu naammagittaalliuutit Peqqin-nissaqaqrifiup Napparsimasut Sullinneqarneranni Naammagittaalliuuteqartarfianut tunniunneqassapput, Peqqinnissaqaqrifiup Qitiusumik Aqunneqarnera pillugu inatsit naapertorlugu.

**§ 29.** Naammagittaalliuutit, § 28-misut peqqinnissaqarfimmi sulisuuusut suliaannut tunngangnitsut, Peqqinnissamut Pisortaqaqrifimmut tunniunneqartassapput, taamaattorli § 22, imm. 1 takuuk.

*Imm. 2.* Naammagittaalliuut kingusinnerpaamik tunniunneqassaaq ullormit aalajangiinerup nalunaarutigneraniit sapaatit akunneri sisamat qaangiutsinnagit. Naammagittaalliuut allagan-ngorlugu Peqqinnissamut Pisortaqaqrifimmut tunniunneqassaaq.

*Imm. 3.* Peqqinnissamut Pisortaqaqrifiup aalajangiinera allaffissornikkut oqartussaasunut allanut ingerlateeqqinnejqarsinnaanngilaq.

## Kapitali 12

### Atulernera

**§ 30.** Inatsisartut peqqussutaat una 1. december 1997 atulerpoq.

*Imm. 2.* Peqatigitillugu Peqqinnissaqarfip sullissineri il.il. pillugit Inatsisartut peqqussutaat nr. 8, 30. oktober 1992-imeersoq atorunnaarsinnejqarpoq.

*Imm. 3.* Malittarisassat Inatsisartut peqqussutaat imm. 2-mi taaneqartoq tunngavigalugu aalajangersarnejqarsimasut atuutiinnassapput peqqussut manna allalluunniit tunngavigalugit taarserneqarnissamik atorunnaarsinnejqarnissamilluunniit tungaannut.

---

Inatsisartut peqqussutaat nr. 12, 14. november 2004-meersoq (Peqqissaaneq pillungu malittarisassanik aalajangersaasinnaanermut Naalakkersuisunut piginnaatitsissut)[\[i\]](#) atuutsitsilernissamut aalajangersagaq una imaraa:

## § 2

Inatsisartut peqqussutaat 1. februar 2005 atuutilerpoq.

---

Inatsisartut peqqussutaat nr. 16, 20. november 2006-meersoq (Sullissinernut il.il peqqinnissaqarfip akiliisitsisinnaaneranut inatsisitigut tunngavissaq ersarissoq)[\[ii\]](#) atuutsitsilernissamut aalajangersagaq una imaraa:

## § 2

Inatsisartut peqqussutaat atuutilerpoq 1. januar 2007.

---

*Peqqissutsimut Naalakkersuisoqarfik, ulloq 20. September 2023*

**Nike Berthelsen (atsior.)**  
Naalakkersuisoqarfimmi pisortaq

/ Hans Erik Dahl (atsior.)

- [i] Inatsimmut allannguut § 10-mut tunngavoq.
- [ii] Inatsimmut allannguut § 24-mut aamma § 25-mut tunngavoq.

**Namminersorlutik Oqartussat**  
Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat  
Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut